



Zavod za fizikalnu
medicinu i rehabilitaciju
Dr Miroslav Zotović

Broj: 127-04-13110-⁴⁴/19

Datum: 03.01 . 2020. godine.

Na osnovu člana 100. stav (3) Zakona o javnim nabavkama („Službeni glasnik BiH“, broj 39/14 u daljem tekstu: ZJN), rješavajući po žalbi ponuđača „Drina osiguranje“ a.d. Milići, Filijala Banja Luka u postupku javne nabavke usluga – Osiguranje imovine Zavoda za fizikalnu medicinu i rehabilitaciju “Dr Miroslav Zotović”, u postupku javne nabavke putem otvorenog postupka, direktor Zavoda donosi:

ODLUKU

I

Usvaja se žalba žalioca „Drina osiguranje“ a.d. Milići, Filijala Banja Luka broj 13783/2019 od 27.12.2019. godine, izjavljena na Odluku usvajanju žalbe i izboru najpovoljnijeg ponuđača broj 127-04-13110-33/19 od 25.12.2019. godine u postupku javne nabavke usluga – Osiguranje imovine Zavoda za fizikalnu medicinu i rehabilitaciju “Dr Miroslav Zotović”.

II

Stavlja se van snage Odluku o izboru najpovoljnijeg ponuđača broj 127-04-13110-33/19 od 25.12.2019. godine te se ugovor o javnoj nabavci usluga – Osiguranje imovine Zavoda za fizikalnu medicinu i rehabilitaciju “Dr Miroslav Zotović” putem otvorenog postupka, dodjeljuje ponuđaču „Drina osiguranje“ a.d. Milići, Filijala Banja Luka, broj ponude: 10376/19 od 03.10.2019. godine, za ponuđenu cijenu 17.921,89 KM bez PDV-a kao najpovoljnijem ponuđaču prema kriterijumu najniža cijena tehnički zadovoljavajuće ponude.

III

Izabrani ponuđač u sklopu ponude dostavio dokumentaciju traženu tačkom 4.1.3. i tačkom 4.3.2. Tenderske dokumentacije broj 127-04-13110-2/19 od 04.09.2019. godine.

IV

Ova Odluka će biti objavljena na web stranici Zavoda (www.zotovicbl.com) istovremeno sa upućivanjem ponuđačima koji su učestvovali u postupku javne nabavke, a u skladu sa članom 70. stav 6 Zakona o javnim nabavkama.

Obrazloženje

Na osnovu Odluke o pokretanju postupka broj 127-04-13110-1/19 od 04.09.2019. godine pokrenut je postupak javne nabavke usluga – Osiguranje imovine Zavoda za fizikalnu medicinu i rehabilitaciju “Dr Miroslav Zotović”, procijenjene vrijednosti 40.000,00 KM putem Otvorenog postupka u skladu sa Zakonom o javnim nabavkama BIH (Službeni glasnik BIH broj 39/14, u daljem tekstu: ZJN).

Obavještenje o nabavci br: 617-1-2-382-3-187/19 objavljeno je na Portalu javnih nabavki dana 04.09.2019. godine a ispravka obavještenja dana 20.09.2019. godine.

Ugovorni organ je dana 04.11.2019. godine donio Odluku o izboru najpovoljnijeg ponuđača broj 127-04-13110-17/19 kojim je za najpovoljnijeg ponuđača izabran „Drina osiguranje“ a.d. Milići, Filijala Banja Luka. Dana 19.11.2019. godine kod Ugovornog organa je zaprimljena Žalba na odluku o izboru najpovoljnijeg ponuđača od strane ponuđača „Asa osiguranje“ d.d. Sarajevo. Izjašnjenje na žalbu, zajedno sa cjelokupnim predmetom proslijeđen je u Kancelariju za razmatranje žalbi, Filijala Banja Luka.

Dana 16.12.2019. godine Ugovorni organ zaprimio je Rješenje Kancelarije za razmatranje žalbi, Filijala Banja Luka broj JN2-02-07-1-2952-7/19 kojim je poništena ranija Odluka o izboru najpovoljnijeg ponuđača i postupak vraćen ugovornom organu na ponovni postupak a nakon čega je 25.12.2019. godine donesena nova Odluka o izboru najpovoljnijeg ponuđača broj 127-04-13110-33/19. Ovom odlukom za najpovoljnijeg ponuđača izabrana je „Asa osiguranje“ d.d. Sarajevo.

Dana 27.12.2019. godine ponuđač „Drina osiguranje“ a.d. Milići, Filijala Banja Luka je na pomenutu odluku izjavio žalbu u kojoj navodi da je cijena koju je ponudio ponuđač „Asa osiguranje“ d.d. Sarajevo neprirodno niska shodno članu 66. Zakona o javnim nabavkama te da ponuđena cijena nije data u skladu sa tarifom premija deponovanom kod Agencije za osiguranje RS.

Po prijemu žalbe a u cilju ispravljanja evidentiranog propusta Ugovorni organ je bez odlaganja (na dan zaprimanja žalbe) proslijedio ponuđaču „Asa osiguranje“ d.d. Sarajevo Zahtjev za pojašnjenje neprirodno niske cijene ponude shodno članu 66. ZJN na koji je bio dužan odgovoriti u roku od 3 dana od dana prijema zahtjeva. Pomenuti Zahtjev proslijeđen je ponuđaču putem e-maila dana 27.12.2019. godine (na adresu kontakt osobe navedenu u ponudi ponuđača: ilda.sirotanovic@asa.ba tako i na info@asa-osiguranje.ba koja broji deset primalaca) te putem pošte- preporučena pošiljka. Kako u ostavljenom roku a ni do posljednjeg dana roka iz člana 100. stav (3) ZJN ponuđač „Asa osiguranje“ d.d. Sarajevo nije dostavio traženo pojašnjenje niti se na bilo kakav način očitovao po zahtjevu Ugovornog organa, Komisija za predmetnu javnu nabavku imenovana Rješenjem broj 127-04-13110-4/19 od 17.09.2019. godine je izvršila ponovnu ocjenu ponuda te konstatovala da se zbog nedostavljanja pojašnjenja neprirodno niske cijene ponude, ponuda ovog ponuđača treba odbaci kao neuredna shodno članu 66 ZJN. Direktor Zavoda prihvatio je preporuku Komisije te je rang lista kvalifikovanih ponuda sljedeća:

Broj protokola ugovornog organa	Redni broj omotnice ponude	Naziv ponuđača	Omotnica sa ponudom ispravno zatvorena (da/ne)	Ukupna cijena u KM bez PDV-a:	Popust	Ukupan iznos sa uračunatim popustom	Rang
127-04-13110-8/19	1.	„Osiguranje Aura“ a.d. Banja Luka	da	28.615,81	Ne	28.615,81	2
127-04-13110-9/19	2.	„Drina osiguranje“ a.d. Milići, Filijala Banja Luka	da	23.895,85	Da	17.921,89	1


Imajući u vidu navedeno Komisija je predložila direktoru da shodno članu 100. stav (3) ZJN stavi van snage ranije donesenu odluku i zamijeni je novom odlukom kojom će se otkloniti raniji propust Ugovornog organa.

Imajući u vidu sve navedeno odlučeno je kao u dispozitivu ovog rješenja, u skladu sa članom 100. stav (3) ZJN.

POUKA O PRAVNOM LIJEKU:

Na ovo rješenje može se izjaviti žalba u roku od 5 (pet) dana od dana prijema rješenja. Žalba se izjavljuje Kancelariji za razmatranje žalbi, filijala Banja Luka, a putem Ugovornog organa.

DIREKTOR
Prim. dr. sci. med. Goran Talić
Spec. ortopedije sa traumatologijom



Goran Talić

